

Sukuma - Kulekejiwa Shandikwa - Deliverance Scriptures

- Matayo 6:13 Na utizututwala mu kugeng'wa, aliyo tupijage twinge u muli Wabubi. [Nguno u butemi buli wako, nu budula ni nguzu; kushisha welelo na welelo, Alichene]. (Luka 11:4)**
- Matayo 8:16 Aho lyabiza lya mhindi a banhu bandya kung'wenhela bingi abo bakoyiagwa masamva, nanghwe uyugapeeja bo guhaya mhayo duhu; na a babo basaataga ubapija pye.**
- Matayo 10:1 Akiita ubitana a bahemba bakwe abo ikumi na babili, ubinha budula bo kuheeba myoyo misoso nuulu myoyo mibi iyo ikakoyaga banhu: giti masamva na mahugi.'; badule kwipeeja, na kupija buli mbika ja busaatu na bulemehazu. (Maliko 3:14,15)**
- Matayo 10:8 Ng'ubapija a basaatu, na a bafu ng'ubajuucha, pye na a ba mbiji ng'ubeeja, na a masamva ng'ugapeeja. Ng'wanukulaga dalali, ning'we inhagi dalali.**
- Matayo 12:26-29 I gisi luulu, u Shetani ulu wandya kumpeeja Shetani, angu numho ogabanikile. Hama a henaho bukwimiila ginehe luulu u butemi bokwe? 27 Niyo hangi, u nene ulu nakugapeejaga a masamva mu budula bo ng'wa Belizebuli, al'a baana bing'we a bene bakagapeejaga mu budula ki? Huna luulu managi giki, a benabo hu bakubiza balamuji bing'we! 28 Aliyo ulu nakugapeejaga a masamva mu nguzu ja ng'wa Moyo wa ng'wa Mulungu, numho hu kuhaya u butemi bo ng'wa Mulungu bong'wiziilile! 29 "Nuulu, adugije ginehe munhu ose-ose kwingila mu numba ya ngosha o nguzu, wandya kwinja shikolo shakwe bo makaala? Duhaya akwanya antunge tame u ng'wenekili kaya, h'adule u kwiyiboneela i kaya yenyio? (Maliko 3:23-27)**
- Matayo 12:43-45 "Ali luulu, u moyo nsoso ulu gwinga muli munhu, gukajaga uko na uko gukuhuhulijaga mu matogolo makalamuku gati na minzi, gulikooba ha kwifuulila. Aliyo ulu gugayiwa, 44 gukahayaga giki, 'I gete nashoke u ku numba yane umo naafumile!' Gwakuhayiza, gwisanga ili buyiki; niyo ipyagulilwe, na kugaliilwa chiza. 45 Huna guja kusoleleja myoyo yingi mpungati, misoso kuguheeba u goyi, gwiza nayo; pyi yingila yikala mo. I nghalilo ya ng'wa munhu ng'wenuyo ikabizaga yabubi no, kutinda umo wali i kwandy. H'umo ili nu ku shibyalilwe i shabubi ishi!"**
- Matayo 15:22,26,28 Kwitulwa nkima umo, muna Kanaani wa mhandi ja kwenuko, wiza akulilaga alihaya giki, "Nikulilagwe Seeba Ng'wana wa ng'wa Daudi, nali na nshike wane akukoyiagwa isamva!" 26 Nanghwe u**

Yesu unshokeja aling'wila giki, "Iti chiza u kusola shiliwa sha baana ushiponegeja tuwa." 28 A henaho u Yesu ung'wila u nkima ng'wenuyo giki, "Bebe mayu, uli na kusanya kutaale. N'ibizage git'umo nghumbu jako jili." Nghana u nshike wakwe upila i likanza Iyenilo.

Matayo 16:19 Nakukwinha i fungulo ja butemi bo ng'wigulu, na luulu buli mhayo uyo ulagutunge u mu si, gukubiza gwatungagwa ng'wigulu, nuulu gose-gose ulu uguzunilija mu si, gukubiza gwazunilijiagwa ng'wigulu."
(Matayo 18:18)

Matayo 17:19-21 Aho wasaaga iyene u Yesu, bung'wegeela a bahemba bakwe; bumuja giki, "Nibuli a bise twali twalemeelagwa u kulipeeja?" 20 Nanghwe uhaya, "Kulwa nguno ya budo wa kuzunya kwang'we. Nalimuyla gwa nghana giki, u kuzunya kwang'we ulu kubiza kushikanu giti kabiyu ka haladali, mudugije nuulu kuluwila lugulu git'ulu giki, 'Ingaga ho a henaho'; na nghana lukwinga. Niyo gutiho mhayo uyo gukumulemeela u kugwita. [21 Aliyo i mbika giti iyi, itiko kufuma na hado yaya, ulu iti mu kulomba na kufunga.]"

Maliko 1:23-26 U ng'wisinagogi lyabo walimo na munhu ali na moyo nsoso, i likanza Iyenilo ulila 24 alihaya giki, "Guliho mhayo ki a ha gati yise nu bebe Yesu wa Nazareti? Wizaga kutuyagaja? Nakumanile uli nani u bebe, uli Ng'wela o ng'wa Mulungu!" 25 U Yesu ulihama alihaya, "Huumulaga, niyo unfume!" 26 I lisamva lyungalagaja u munhu ng'wenuyo, lyulila n'ilaka itaale, huna lyunfuma.

Maliko 1:32-34 Aho lyabiza lya mhindi, bandya kung'wenhela pye a basaatu, na a ba masamva. 33 Pye u nzengo gukuunukila a ha kaya yeniyo, bokala pa a ha nyango. 34 Akapija banhu bingi ba busaatu bo mbika na mbika, upreeja na masamva gabuyaga, niyo wali atagazunilijaga u kuyomba, nguno a goyi gaali gaamanile.

Maliko 1:39 Huna uja pye a hose u mu Galilaya akulomeelaga u mu masinagogi gabu, na kupeeja masamva.

Maliko 5:8 Akahaya giko nguno u Yesu wali wamala kulilagila i lisamva giki, "Nfumage u munhu ng'wenuyo."

Maliko 6:7,13 Wahayita nose ubitana abo ikumi na babili, ubatumba babili-babili, ubinha na budula bo kuheeba myoyo misoso. 13 Bupeeja na masamva mingi, na basaatu bingi bubabila maguta, bubapija.

Maliko 9:23-25 Nanghwe u Yesu ung'wila, "Giki ulu udugije? Angu pyi i yose idulikanile u kuli munhu wa kuzunya!" 24 Haho na haho u ise o nyanda ulila alihaya, "Baba nazunije, kwike ningijage u buhana-hani bone!" 25 U Yesu aho wabona giki i libita lya banhu lyandya kwiza lilipeela nhambo, ulihama i lisamva, uliwila, "Bebe moyo nsoso gwa bushimuumu na

bugulu, nalikulagila unfume, niyo utizunshokela hangi."

Maliko 9:29 Nanghwe ubashokeja giki, "I mbika giti iyi itiko kufuma na hado yaya ulu iti mu kulomba."

Maliko 9:38,39 Kuhayimanila u Yohana wang'wila giki, "Nangi, twali twamonile ng'wing'wana alipeeja masamva mu lina lyako; tunemeja nguno ati umo wise!" 39 Nanghwe u Yesu ung'wila, "Yaya u kunemeja, nguno atiho munhu wa kubeeja mhayo gwa budula mu lina lyane, huna hangi ushoka kunihaya kibi haho na haho.

Maliko 16:17 I shimanikijo ishi shikubiza hamo nabo a bazunya: bakuyupneeja masamva na kulungalunga mu ndimi jingi, mu lina lyane.

Luka 4:18 "U Moyo wa ng'wa Seeba ali hamo nu nene, nguno wanibilile maguta giki nabalomeele a bahabi Nghulu Jawiza. Wanitumile kubasomboolela batungwa mhola ja kulekejiwa kwabo, na a babboku kubinha kubona; kubinha kwiyagalula abo basheedekejiwe makoye.
(Isaiah 61:1)

Luka 4:34-36 "Yesu wa Nazaleti, guliho mhayo ki a ha gati yise nu bebe? Wizaga kutuyagaja? Nakumanile uli nani u bebe, uli Ng'wela wa ng'wa Mulungu!" 35 U Yesu ulihama alihaya, "Huumulaga, niyo unfume!" I lisamva lyungalagaja haho gati-gati, lyunfuma nghana, lyuneka litaaminije nuulu hado. 36 Pye bujinjimala, bandya kwiwila boi benekili na benekili giki, "Mhayo ki nago u gwenuyu hangi? Na a masamva aliugahama bo nguzu gafuma!"

Luka 4:41 Banhu bingi gakayubafuma masamva kunu galilila guhaya, "U bebe uli Ng'wana wa ng'wa Mulungu!" Kwike u wei wagahamaga, wagalemeja u kuyomba, nguno gaali gandeebile giki Kilisto.

Luka 7:21 U ng'wikanza Iyenilo u Yesu wapijaga banhu bingi kufuma mu busaatu na bulemehazu; bangi wabingijaga masamva, na babboku bingi wabinhaga kubona.

Luka 8:29 Akahaya giko nguno u Yesu akalilagila i lisamva linfume u munhu ng'wenuyo. Wikalaga abohiwe minyololo na nhendele, aliyo nghangala ningi i lisamva lyandimaga wagatinagula a mabohejo, lyampeeja kuja ku matogolo.

Luka 9:40 Naali nabikumbilija a bahemba bako balipeeje; aliyo balilemeelagwa!"

Luka 10:17-20 A bahemba makumi mpungati na babili aho bashoka baali na buyegi no; bung'wila giki, "Seeba, na a bana masamva twalubapeejaga mu nguzu ja lina lyako." 18 Nanghwe ubawila giki, "Namonile u Shetani aliigwa giti lulabi alifuma ng'wigulu! 19 Managi giki a bing'we naang'winhile budula bo kupanda nuulu nzoka na nghomi, nu budula bo

ng'wanishi kubupyena u bose; na shitiho shikolo shose-shose sha kung'witala mayanga. 20 Kwike u gwa kuheeba masamva gutamuyejage, aliyo yegagi iki a mina ging'we gandikilwe u ng'wigulu."

Luka 11:14 Lushiku lungi akang'wingija munhu isamva lya bushimuumu; aho Iyanfuma u munhu ng'wenuyo udula u kuyomba. A banhu abo baaliho bukumya no.

Luka 11:20-22 Aliyo ulu nakugapeejaga a masamva mu budula bo nkono go ng'wa Mulungu, managi giki u butemi bo ng'wa Mulungu bong'wiziilile! 21 U munhu o nguzu ulu adimile shilanga akulanghanaga kaya yakwe, i shikolo shakwe shili mhola. 22 Aliyo ulu wiza munhu o nguzu kutinda u wei, huna undumila ungheeba, akuntaaja pyi i shilanga shakwe isho ashisanije, hanuma i shikolo shakwe ushisola ushigabanya.

Luka 13:32 Nanghwe ubawila, "Jagi mukiwile i nyamhawa yeniyo giki, 'I lelo ni ntongo nalimalija kupeeja masamva na kupija banhu, u lo kadatu Iwaho nakubiza namala-maja.'

Yohana 14:12 Nalimuwilna gwa nghana giki uyo unizunya u nene, nanghwe akubeeja i milimo iyo nakubeejaga u nene; na hangi akubeeja na mitaale kutinda ho, nguno nalija kuli Baba.

Yohana 17:15 Natulombaga ubinje u mu si, aliyo ubalanghane u kuli Mi.

Shitwa 10:38 U Mulungu wali ang'witiilile Moyo Ng'wela na budula u Yesu wa Nazareti, uyo wajaga hose-hose akubeejaga yawiza na kubapija pye abo bali mu buhedeckwa bo ng'wa Shetani, iki u Mulungu wali hamo nanghwe.

Shitwa 16:17,18 U malaika wa mpungati ushipumunhila ku luyaga isho shali u mu Iweso Iwakwe; lyufuma ilaka itaale u mu hekalu lilihaya giki, "Yashila!" 18 Huna jubiza ho ndabi na mihilimo na kupalaluka, yudinghima na nyahinga nhaale: itaali kubiza ho hangi nyahinga nhaale giko kufuma aho banhu bandija kwikala mu si.

Shitwa 19:11,12 I shitwa isho akayubeeja u Mulungu mu nzila ya makono ga ng'wa Paulo shali sha kukumya no, shikilile kasomboolele! 12 Nose na basaatu buyupijiwa kulwa kutwalilwa shizwalo na shitambaala isho shali shakumiwa ha mili gokwe; na a babo baali na masamva gabafumaga.

Shitwa 26:15-18 Nane nuhaya, 'Uli nani Seeba?' Nanghwe u Seeba uhaya, 'Nali Yesu uyo uliniluhya. 16 Aliyo buukaga wimiile na magulu gako; naakwilongelaga kulwa nguno ya kukwita ubize ntumami, na nkaaniji wa mihayo yane yose, iyo wanibonaga moyo, ni yiyo nakongeja kukoolekeja. 17 Nakuja nakukupijaga u ku banhu na a mahanga ayo nalakutume kuja kubo, 18 kulwa kubaloleecha a miso gabu; binge u mu giiti, bingile ng'wisana, binge u mu nguzu ja ng'wa Shetani, bize kuli Mulungu

**banukule kulekejiwa kwa shibi, na wingiji hamo na a babo bamala
kwejiwa kulwa kunizunya nene.'**

**Balumi 16:20 Nanghwe u Mulungu wa mhola akung'wanguhila, antobagulile
ku silili ya mhambala jing'we u Shetani. Shigongo sha ng'wa Seeba wise
Yesu Kilisto shibize hamo ning'we. Alichene.**

**2 Bakolinto 2:11 Tutatogilwe u Shetani atwibange nose atuheebé, nguno
tutijimiililwe i nyasala-sala yakwe!**

**Bagalatia 1:4 uyo akifunya wei ng'wenekili kulwa nguno ya shibi shise,
ushikilija iyo yali ihelilwe na Mulungu Siswe, kulwa kutukomoola twinge
u ng'wikanza lya bubi i lya shiku iji.**

Baefeso 4:27 Yaya u kung'winha ng'wanya u Ng'wanishi.

**Baefeso 6:11 Zwalilagi pyi i shilanga sha ng'wa Mulungu, hu mukudula
kwilwisha nayo i nyasala-sala ya Ng'wanishi.**

**2 Batesalonike 3:2,3 Na giki tupijiwe u ku banhu a bibonya na a bahunga;
nguno a banhu bati bazunya pye a bose. 3 Aliyo u Seeba iki nsanyiwa,
akumuguzuhya na kumulanghana a bing'we u kuli ng'wanishi.**

**2 Timoteo 2:26 bingile mu masala madeekanu. Binge u mu ntego go
ng'wanishi umo wali wabagwasha ubataliginja na kubatuula mu busese
bo kwita iyo atogilwe wei ng'wenekili!**

**2 Timoteo 4:18 Niyo u Seeba akongeja u kunipija kufuma mu buli nimo
gwabubi, na akunishisha mhola u mu butemi bokwe u bo ng'wigulu. Ikujo
libize kuli we welelo na welelo: Alichene.**

**1 Petelo 5:8 Bizagi na masala madeekanu, ng'wikale nzugulu-matu; nguno u
ng'wanishi wing'we u Shetani akujaga hose-hose ukungila kunu
akuzuumilaga gitii shimba, akukoobaga uyo alampule!**

**1 Yohana 4:4 Bing'we baana, a bing'we muli ba ng'wa Mulungu; niyo muli
bapyeni nguno uyo ali hamo ning'we ng'wene ntaale kutinda uyo ali mu
si**

Numbers 10:35 Let Yehova arise and enemies scatter.

Deuteronomy 23:5 Yehova turn curse into blessing (Nehemia 13:2)

Zabuli 44:4 Yehova command deliverance for Yakobo.